



Múte Bourup Egede
Inuit Ataqtigiit
/Maani

Allakap ullua: 11-09-2019
Suliap normua
Akt. nr. 11500326

Postboks 1614
3900 Nuuk
Oqarasuaat (+299) 34 50 00
Allakkasuaat (+299) 34 54 10
E-mail: nap@nanoq.gl
www.naalakkersuisut.gl

§ 37 naapertorlugu apeqqummut nr. 295-imut akissut

Asasara Múte,

Inatsisartut Suleriaasianni § 37 naapertorlugu nunanut allanut naalakkersuinikkut periusissamut tunngatillugu Naalakkersuisunut apeqquteqarsimavutit. Apeqqutit uannut akineqartussanngortinneqarsimapput.

1. Naalakkersuisut nunatta nunanut allanut politikianik annertusaanissamik, inerisaanissamik iliuusissioinnissamillu pilersaaruteqarpat?

Akissut: Naalakkersuisut sapinngisartik malillugu kalaallit soqutigisaasa siuarsaaffiginissaannik suliaqartuarput. Nunanut Allanut Naalakkersuisoqarfik nunanut allanut naalakkersuinikkut periusissamik suliaqarluni aallartitsisimammat paasissutissiissutigineqarsinnaavoq.

2. A) Apeqqut 1 aappiuppat – Qanoq tamanna siunnerfinnik imaqartinneqarniarpa? Qanorlu Inatsisartut susassaqartullu allat akuutinneqarniarpat?

Akissut: Nunanut allanut naalakkersuinikkut periusissap nutaap suliarinera suli aallartiffimminiippoq. Kalaallit Nunaata soqutigisaasa nunanullu allanut naalakkersuinikkut sunniutaasa siuarsaaffiginissaat pingaarnertut anguniagaapput. Ataatsimiititaliat attuumassutillit aqutugalugit Inatsisartut peqataatinneqassapput.

2. B) Apeqqut 1 naamiuppat – Sooq Naalakkersuisut taamak pilersaaruteqanngillat?

Akissut: Apeqqummut 1-imut akissut innersuussutigineqarpoq.

3. Kunngearfiup Danmarkip Issittoq pillugu iliuusissatut pilersaarutaa kingulleq 2020-mi kingusinnerpaamik nutartigassaavoq. Nutaamik sanasoqarnissaanut Naalakkersuisut akuutinneqarpat? Taamaappallu sulineq qanoq ingerlanneqarlunilu imaqarpa? Naalakkersuisullu tungaanniit naammagisimaarneqarpa?

Akissut: Kunngearfimmi Issittumut periusissamik nutaamik suliaqartoqarnissaa pillugu danskit nunanut allanut ministereqarfiat Naalakkersuisunut saaffiginissimavoq. Naalakkersuisut Nunanut allanut ministereqarfimmut nalunaarsimapput Naalakkersuisut periusissamik nutaamik suliaqarnissamut peqataanissartik pillugu. Periusissamut missingiummik suliaqarnissaq immiini naalagaaffeqatigiit pingasuusut qanimut paaseqatigalugit atorfilittat aqutigalugit

isumagineqarpoq. Periusissap suliarineqarnera aallartiffimmiippoq, taamaammallu sammisassat suli iluamik piareersimangillat.

Missingiut kingulleq pigineqaleriarpat periusissamut tapersiinissaq Naalakkersuisunit suliarineqassaaq.

- 4. Danskit ministeriunertaavata ukioq manna oqaatigaa: “Kalaallit Nunaata nunanut allanut politikianut danskit politikeriisa aalajangiisussaannerat ullutsinnut naleqqukkunnaarpoq.” Naalakkersuisut nunatta nunanut allanut politikiminik namminiussuseqarnerusinnaalernissaanut periarfissaq taamatut oqariartornermi pilersinneqartoq qanoq atorluarniarpaat?**

Akissut: Kalaallit Nunaata sunniuteqarnera piginnaasaalu siuarsarumallugit pitsaasumik oqaloqateqarnernut peqataanissaq suli Naalakkersuisut kissaatigaa.

- 5. Ulluni kingullerni danskit Naalakkersuisuisa Issittumi inissisimanertik annertusaritsik nalunaarutigisarsimavaat, ilaatigut sakkutooqarnikkut nunatsinni annertusaanermikkut. Taamak oqariartuuteqarnerat Naalakkersuisut qanimut pilersaarudioqataaffigalugulu oqaloqataaffigaa?**

Akissut: Issittup saqitsaaffiunani ingerlaannarnissaa Naalakkersuisut anguniagaraat. Naalakkersuisut Issittumi najuunnerunissaq pillugu danskit naalakkersuisuinik oqaloqateqartarput.

Med venlig hilsen
Inussiarnersumik inuulluaqqusillunga



Ane Lone Bagger